



Gabinete Wever - Croes II

ISLAONLINE

Noticia di Gobierno

2023

Diamars 22 Augustus 2023

Email: IslaOnline@gobierno.aw Tel: 528-4952

2023
AÑA DI



UNION
Y POSITIVISMO!



@IslaOnline2023



ORGANISACION DI MISS UNIVERSE ARUBA A SA DI DUNA UN TREMENDO PRESENTACION, Y A PONE ARUBA SU NOMBER RIBA TARIMA INTERNACIONAL



Diadomingo anochi, Aruba completo tabata pendiente pa e gran evento di Miss Universe Aruba, cu a tuma luga na Renaissance Convention Center. Riba e grandioso anochi aki, yena di emocion y expectativa, a presenta un total di 5 candidato compitiendo pa e corona di Miss Universe Aruba.

Tur 5 participante a muestra di tin confiansa den nan mes, y a duna tur di nan parti, pa por logra yega na nan soño, di por representa nan isla internacionalmente. Na final di anochi, despues di un tremendo presentacion, a corona srta. Karol Croes como Miss Universe Aruba. Srta. Croes cu a logra e titulo maximo, lo representa Aruba dia 18 di November, 2023, na e evento di Miss Universe, cu lo tuma luga na El Salvador.

Pa recapitula, y intercambia ideanan riba futuro certamennan di Miss Universe Aruba, Prome Minister Evelyn Wever-Croes a reuni cu e organisacion di Miss Universe Aruba, Miss Universe International y Univision. Durante e reunion a pasa riba con e procesonan ta bayendo, y riba e cambionan cu ta tumando luga. Prome Minister a indica di ta sumamente orguyoso pa tende con Aruba ta wordo elogia, no solamente pa a organisa un evento espectacular, sino tambe pa e cordialidad di su hendenan y tur local e isla tin di ofrece. E oportunidad cu Aruba a haya di Miss Universe International, pa por uza e plataforma pa stream e evento live riba nan pagina, tambe ta hopi di aprecia, mirando cu esaki a resulta den un cobertura internacional grandi pa pais Aruba.

Continuacion ORGANISACION DI MISS UNIVERSE ARUBA....

Prome Minister ta felicita srta Croes cu e logro di wordo corona como Miss Universe Aruba, y tur otro candidata cu a sa di duna tur di nan mes riba e anochi special aki. E tabata un anochi yena di emocion pa mira e 5 beyesanan aki duna un tremendo presentacion, cu e speranza di logra e titulo maximo, pa asina por bay representa Aruba dignamente na e certamen tan conoci di Miss Universe.

Tambe, Prome Minister ta gradici e organisacion di Miss Universe Aruba, e team completo di Futura pa nan cooperacion den e competencia aki, y tur esnan cu di un of otro manera a yuda pa haci e evento aki uno exitoso.





ARUBA 'LIMPI LIMPI': EEN BEETJE SCHOON IS NIET GENOEG



Aruba is een relatief schoon eiland. Toch zorgt zwerfafval voor veel ergernis. Met zwerfafval wordt bedoeld, afval dat ergens belandt waar het niet thuishoort. Het ligt dan op straat en in bermen, op openbare plaatsen en in de natuur. Het is niet gewild op ons dichtbevolkte eiland, maar het volhardt. Het is slecht voor de mens, dier en natuur en tast onze leefbaarheid aan. Zwerfafval is maar één van de thema's van de voorlichtingscampagne van de minister van natuur dat deze week van start gaat.

Zwerfafval op Aruba is een cultureel probleem. Bij geen enkele vorm van opvoeding leert een kind dat het "OK" is om voorwerpen uit het raam van een auto te gooien. Maar op ons eiland doen "groot geworden" kinderen dat elke dag. Er wordt van alles uit ramen van auto's gegooit. Daarom is voor de overstap naar een modern afvalbeleid ook een cultuuromslag nodig. Dat begint met (her)opvoeding, en dus met een voorlichtingscampagne.

"Een beetje schoon" is niet voldoende. Aruba moet "Limpi Limpi" zijn en dat gaat niet zonder medewerking van de bevolking.

Om deze bewustwording te vergroten zal vanaf deze week een communicatiecampagne worden uitgerold gericht op drie groepen. De grootste groep zijn de mensen die geen overtuiging behoeven en die al meewerken aan het schoonhouden van ons eiland. Zij moeten weten dat de overstap naar een modern afvalbeheer volgens schema verloopt en dat ook zwerfafval zal worden aangepakt. Zij kunnen helpen door anderen te stimuleren om het eiland schoon te houden.

Er is ook een groep die nu nog niet meewerkt. Zwerfafval begint altijd bij iemand die niet voor een vuilnisbak kiest. Het gaat om het iets langer in bezit houden van afval totdat er een vuilnisbak is gevonden. De meeste mensen hebben daar geen moeite mee, maar voor sommigen lijkt dat lastig te zijn. Deze groep moet worden geconfronteerd met de impact van hun gedrag op het milieu. Zij moeten vooral worden gewezen op alle alternatieven die er zijn voor het afstoten van afval. Het sluiten van de Parkietenbos verandert niets aan het basisprincipe dat de mens ervoor moet zorgen dat afval in een vuilnisbak beland.

De derde groep is klein, maar lastiger om te overtuigen. Er zijn nog altijd mensen die niet blij zijn met het sluiten van Parkietenbos en zij voeren actie door bijvoorbeeld doodleuk te storten op illegale stortplaatsen. Zij moeten alsnog ervan worden overtuigd dat open verbranding van vuil niet van deze tijd is en dat de dikke rook van Parkietenbos gedoofd is en zo zal blijven.

De publiciteitscampagne is het 5e deelproject in het kader van de overgang naar een modern afvalbeheersysteem op Aruba. Bij de andere deelprojecten kwamen de technische randvoorwaarden aan bod, waaronder het sluiten van Parkietenbos, het versterken van Serlimar, het bouwrijp maken van Parkietenbos, alsmede het beginnen met de procedure tot bedekking van de afvalberg, herbeplanting en sanering van de mangroven in de buurt. Nu concrete stappen zijn genomen, kan de bevolking worden gevraagd om actief bij te dragen aan het "Limpi Limpi" houden van ons eiland. Voorlichting is belangrijk voor de draagkracht.

MINISTER URSELL ARENDS TA LANSA CAMPAÑA NACIONAL LIMPI LIMPI



- Educa publico general riba Separacion di Desperdicio

Ariba un isla manera Aruba, tur locual nos ta importa tin cu bai un caminda despues cu nos a haci uzo di dje. Separacion di desperdicio ta reduci contaminacion ambiental y ta yuda e procesamiento responsabel di materialnan.

Un di e actividadnan cu a enfoca ariba ta Baki den Bario. For di 2 di september te 16 di december un parke pa separacion di desperdicio lo ta den rotacion di distrito pa distrito. Esaki lo ta posibel cu e ayudo di tur partners cu ta colaborando cu e campaña. Di e manera aki lo yuda hogarnan cu e periodo di transicion desde ceramento di Parkietenbos. Mas informacion di fecha y orario lo por encontra riba www.trashtocasharuba.org/pages/limpilimpi of por contacta Bureau City Inspector kende ta encarga pa coordinacion y supervision di e actividad di Baki den Bario.

Gobierno di Aruba lo subsidia e procesamiento di cierto tipo di desperdicio TEMPORALMENTE como parti di e iniciativa di Baki den Bario. Minister Arends a enfatisa cu "esaki ta 'TEMPORALMENTE' pasobra gobierno no ta doño di tur e desperdicio cu ta wordo genera.



Durante conferencia di prensa dia 22 di augustus 2023, Minister di Naturalesa, Sr. Ursell Arends a lansa e continuacion di e campaña nacional di conscientisacion di desperdicio cu a cuminsa na principio di aña.

E meta ta pa amplia e actividadnan cu ta duna forma na nos balor y normanan cultural den cuadro di maneho di desperdicio. E campaña tin tres obhetivonan principal:

- Conformidad cu APV (Algemene Politie Verordening)
E cumplimiento di 'Algemene Politie Verordening' ta esencial pa e prevencion di sushamento y e creacion di dumpnan ilegal. Tur desperdicio ta propiedad y responsabilidad di su doño y no cumpli cu ley ta bin cu consecuencianan.

- Un Aruba Limpi

Un sociedad cu un calidad di bida halto y un economia prospero mester di un medio ambiente saludabel. Nos tur tin un rol pa hunga y cada un di nos tin un responsabilidad, incluyendo bishitantenan riba nos isla.

Nos como ciudadano mester ta consciente cu cada producto cu nos cumpra no ta bin cu su prijs di fin-di-bida inclui. Basa riba e metanan di Desarojo Sostenibel pa consumo responsabel, nos tur mester bira cumpradonan mas consciente."

Gobierno di Aruba di su parti ta purba stimula habitonan di separacion di desperdicio a base di tipo. Durante e dianan di Baki di Bario lo acepta green waste, metal, e-waste, desperdicio di construccion reciclavel y bulk waste. Tambe tin cu remarca cu Baki den Bario ta solamente pa uzo residencial y no ta habri pa desperdicio comercial.

Minister Arends a finalisa ta gradici tur partners cu a bini hunto pa logra cu e campaña aki bira posibel. Ta invita comunidad di Aruba pa probecha di e lunana aki pa cuminsa na tene nos Aruba Limpi Limpi.



DOCENTENAN DI DEPORTE TA BAY RICIBI UN TRAINING DEN CUADRO DI E PROGRAMA DI SCOL SALUDABEL



Dialuna mainta Minister di turismo y Salud Publico sr. Dangui Oduber a haci apertura di un programa di training pa docentenan yama “Leefstijl”. Esaki a sosode conhuntamente cu colega Minister di Enseñansa y Deporte sr. Endy Croes, Bestuur di scolnan, docentenan di IPA, representantenan di plataforma scol saludabel, docentenan di movecion y salud, DVG y Sociale Zaken.

E training aki ta wordo duna pa un profesional Hulandes cu a bin Aruba specialmente pa esaki. E training nan aki lo tuma lugar di diamars pa diabierna na Surfside Marina y nan ta wordo haci den cuadro di Aruba su plan nacional di prevencion di malesanan no transmisibel.

Leefstijl ta un programa educativo cu ta stimula y guia nos muchanan di un edad hoben riba tereno social emocional con pa hasi escogencianan saludabel riba tereno fisico, nutritional y mental. E meta di e programa aki ta pa empodera muchanan pa ta resiliente y ta consciente di e ambiente cu tin rond di nan. E meta ta cu e programa aki lo ta uno structural den scolnan como un vak y lo ta uno duradero, segun Minister Oduber.

E programa aki lo yuda transforma nos muchanan y tambe e futuro generacion. Pa nan reconoce e importancia den cambia nan estilo di bida, pa hiba un bida mas saludabel. Pa consumi



menos sucu y salo, pa participa activamente na actividadnan fisico por ehempel un deporte.

Minister Oduber a splica cu na e momento aki Ministerio di Salud Publico ta implementando e plan nacional di prevencion cu a keda lansa algun aña atras. Segun Minister actualmente ta enfocando riba 4 pilar:

1. E Healty Lifestyle Center, cu a habri su porta den januari. Na e momento aki e centro aki tin 104 cliente participado activamente. E centro aki ta pa adulto caminda nan ta ricibi guia di con pa come y biba saludabel haciendo movecion fisico.
2. Un otro programa cu gobierno ta financiando ta esun di Jump 18 lidera pa dr. Busari. Esaki ta hobennan di 4 aña te cu 18 aña di edad.
3. Un otro bunita proyecto cu a wordo anuncia na luna di mei ta e programa di scol saludabel, e training cu ta bay tuma lugar ta un parti integral di e proyecto aki.
4. Minister Oduber ta compromete pa haci inversionnan den e parti di prevencion den salud atraves di diferente campananan. Pa asina nos por tin un comunidad mas saludabel, pa hisa e vitalidad pa tin mas productividad. Finalmente Minister Oduber kier a gradici DVG, Sociale Zaken, Ministerio di Enseñansa, Healthy Lifestyle Center y Scol Saludabel.



MAESTRONAN DI MOVECION Y SALUD TA PARTICIPA DEN CUATER (4) DIA DI TRAINING DI "LEEFSTIJL"

Hunto nos ta construi na un Aruba mas saludabel y preveni malesanan no transmisibel



Dialuna mainta, Minister Endy Croes conhuntamente cu colega Minister Dangui Oduber, directivanan di scol, representantenan di Plataforma Scol Saludabel, maestronan di Movecion y Salud, IPA, DVG y Departamento di Asunto Social a lansa un training pa e maestronan titula "Leefstijl". "Leefstijl" ta un programa educativo pa stimula y guia e muchanan di un edad hoben riba tereno social y emocional, con pa haci escogencianan saludabel riba tereno fisico, nutricional y mental. Meta di e programa aki ta pa empodera muchanan pa ta resiliente y ta consciente di nan escogencianan. E training ta wordo duna pa e profesional Hulandes Sra. Edmee Warneke. E curso tin un duracion di cuater (4) dia y ta tuma luga durante e siman aki. E proyecto aki ta den cuadro di Aruba su Plan Nacional di Prevencion di Malesanan no Transmisibel. E programa ta uno structural den scolnan como un materia y lo ta uno duradero.

Minister Endy Croes a indica cu metodo aki a wordo introduci na mas di 100 pais rond mundo y ta kere cu ta e momento pa duna sosten na e proyecto aki hunto cu Scol Saludabel Aruba. Mandatario di Enseñansa y Deporte ta convenci cu e metodo



aki lo contribui en grande na Pais Aruba. "Hunto nos ta construi un miho Aruba", Minister Endy Croes a expresa. Exito na tur maestro cu ta participando den e training aki.

Minister Endy Croes:

ARUBA TA CELEBRANDO 100 AÑA DI AVIACION

Exactamente 100 aña pasa, dia 18 di augustus di aña 1923, e prome avion a aterisa na Aruba



Diabierna ultimo, Minister di Enseñansa y Deporte Endy Croes hunto cu Minister Ursell Arends, Minister Xiomara Maduro, Minister Dangui Oduber, Presidente di Parlamento di Aruba Sr. Edgard Vrolijk, Parlamentarionan Sr. Ricky Hoek, Sra. Shaylini Tromp-Lee y demas invitadonan tabata presente na Dakota Building pa e celebracion di 100 aña di aviacion na Aruba. Durante e anochi ameno aki, a reconoce diestres (13) baluarte cu a forma parti di e desaroyo di industria di aviacion di Aruba, entre otro, Sr. Juan Irausquin, Sr. Daniel Leo, Sr. Ernst Bartels, Sr. Michael Kuiperi, Sr. Octavio Yrausquin, Sr. Manuel Viana, Sr. Camilo y Sr. Tito Muyale, Sr. Frank Arendsz, Sr. Osling Toppenberg, Sr. Harold Oduber, Sr. Willem Vrolijk y Michael Nicholaas.

Minister Endy Croes ta gradici e comision cu a organisa e evento bunita aki, cual ta consisti di ATA, AAA, ANSA, DCA, Gobierno di Aruba y experto den aviacion Sr. Agustin Vrolijk. Tambe, Minister Endy Croes ta gradici Banco Central y Aruba Airport Authority cu a diseña e prome moneda pa conmemora e gran celebracion aki. Fuera di esaki, a tuma luga e inauguracion oficial di Dakota Building, unda cu a nombr'e



como un monumento historico. Dakota Building cu a fungi como terminal di aeropuerto desde aña 1942 te cu aña 1950 a ricibi marca di "Monumentenbureau". Minister Endy Croes ta felicita Aruba cu ta celebrando 1 siglo di aviacion. "Esaki ta locual tin nos ecomonia bibo, pues laga no conserva locual nos tin:", Minister Endy Croes a expresa. Masha danki na tur esnan cu a contribui den e aviacion di Aruba y asina tambe contribui den e desaroyo di nos turismo cu ta e pilar di Aruba.



RESUMEN DI SIMAN

Asuntonan General,
Innovacion,
Organisacion Gubernamental,
Infraestructura y
Planificacion Teritorial

PROME MINISTER, EVELYN WEVER-CROES

12 di aug. - 18 di aug. 2023



GOBIERNO DI ARUBA, TRAHANDO SEMPER NA BIENESTAR DI NOS MUCHANAN

Scol Soeur Juliette a habri aña escolar cu 38 airco nobo

Recientemente a wordo anuncia pa minister di Enseñansa, cu e proyecto tan anhela di instala airco na Scol Soeur Juliette a wordo finalisa. Tabata na Juni 2022, cu Prome Minister Evelyn Wever-Croes hunto cu Minister di Enseñansa Endy Croes a bishita e scol, y a haci un promesa, di haci tur loke ta na nan alacanse pa logra cu e scol aki por haya su airconan. Esaki sigur no tabata un trabou facil, pero cu dedicacion y positivismo, awe a logra cu e docentenan y muchanan por a habri un aña escolar nobo cu airco den nan klas,



PROME MINISTER TA DESEA TUR CLASE DI EXITO NA CADA ALUMNO, MAYOR Y MAESTRO, PA CU E AÑA ESCOLAR NOBO

Recientemente a inicia e aña escolar nobo 2023-2024. Den cuadro di esaki, Prome Minister Evelyn Wever-Croes ta desea tur alumno, mayor, y maestro un aña escolar exitoso. Tambe, Prome Minister ta pidi tur e muchanan pa haci nan best, y duna tur di nan banda pa logra resultadonan positivo. Na e maestronan hopi pasenshi y sabiduria pa guia e muchanan den e direccion pa un miho futuro.



DIA INTERNACIONAL DI HUBENTUD

Dia Internacional di Hubentud, a wordo proponi pa Nacionnan Uni desde aña 2000 cu e meta pa trece conscientisacion rond mundo pa atende cu asuntonan di hobennan y reconoce e poder di hubentud den diferente area den cada comunidad. Prome Minister Evelyn Wever-Croes a indica cu Aruba ta uni su mes na e dia importante aki, felicitando tur hoben riba nan dia, y ta encurasha nan pa sigui nan soño cu determinacion.



REDUCCION DEN E CIFRANAN DI CRIMINALIDAD, LO SIGUI TIN UN EFECTO POSITIVO RIBA DESARROYO DI ARUBA SU PILAR ECONOMICO, TURISMO

Den conexon cu e noticia di reduccion den e cifranan di criminalidad, Prome Minister ta indica cu esaki ta un noticia sumamente positivo pa pais Aruba. El a splica cu un di e prioridadnan di su Gabinete ta siguridad di e comunidad en general y siguridad di nos bishitantenan. Turismo ta den plenc desaroyo, y un subida den cifranan di criminalidad lo por afecta negativamente e desaroyo aki. Prome Minister ta felicita Minister di Husticia Rocco Tjon y cuerpo policial pa tur nan dedicacion y esfuerso pa husticia di pais Aruba.

LAND ARUBA ACADEMY

Un plataforma digital di enseñansa gratis pa tur trahado publico

- ✓ 700+ masterclass, video, documento y curso online
- ✓ Diferente articulo cu conocimiento pa tur profesion
- ✓ Disponibel 24/7 for di cualkier lugá



“E Curason di Progreso Humano”

E MANEHO DI GOBIERNO Y DEPARTAMENTO DI RECURSO HUMANO (DRH), PA YUDA EMPLEADONAN PUBLICO DESAROYA NAN MES PROFESIONALMENTE A RESULTA UN EXITO

Den conexion cu e proyecto di "Land Aruba Academy", Prome Minister Evelyn Wever-Croes ta indica di ta sumamente orguyoso cu e interes di e empleadonan publico pa desaroya nan mes. Desde cu e proyecto aki a wordo introduci, un total di 2700 curso a wordo sigui caba. Na e momentonan aki tin un total di 1300 empleado activo riba e plataforma. Prome Minister ta encurasha tur esnan cu no a tuma e oportunidad aki ainda, pa haci uzo di e plataforma aki gratuitamente, pa asina yuda engrandece y/of mantene nan conocimiento "up to par".

37 AÑA DI ANIVERSARIO DI KPA

Den nomber di Gobierno di Aruba y di henter e comunidad, Prome Minister ta felicita KPA cu nan di 37 aniversario y ta gradici full e ekipo pa nan trabou valioso cu nan ta bin ta eherciando. Aruba a conoce varios alto comisario y agente policial durante ultimo añanan, pero e compromiso pa sirbi y proteha nos comunidad, semper a keda demostra. "Hopi danki na cada un di boso pa tur locual boso ta haci, y sa cu boso trabou ta wordo balora y aprecia pa cada un di nos".



Uni forsa y cu
positivismo
ta produci
beneficianan grandi
den diferente area pa
famianan, politica,
matrimonio, pais, etc
Hunto nos ta uza e
benificianan aki pa
engrandece nos mes
y Aruba.



2023

AÑA DI UNION Y POSITIVISMO! _____